



BOSNA I HERCEGOVINA  
Federacija Bosne i Hercegovine  
Tuzlanski kanton  
OPĆINA GRAČANICA  
OPĆINSKO VIJEĆA

**Broj predmeta:** 01-05-03117-2014

**Broj akta:** 05EN-001

Gračanica, 18.9.2014.. godine

Na osnovu člana 16. i člana 108. Statuta Općine Gračanica ("Službeni glasnik Općine Gračanica", broj: 4/09) i člana 89. Poslovnika Općinskog vijeća Općine Gračanica ("Službeni glasnik Općine Gračanica", broj: 6/14), Općinsko vijeće Gračanica na sjednici održanoj dana 18. 09. 2014. godine, d o n o s i

Z A K L J U Č A K

I

Prihvata se Informacija o prirodnoj nepogodi od bujica, poplava, klizišta i grada koja je pogodila područje općine Gračanica u avgustu 2014. godine i poduzetim mjerama na zaštiti i spašavanju ljudi i materijalnih dobara, uz stavove:

1. Završiti započete procedure dodjele placeva za građane Lukavice kojima su porušene kuće i doznačiti prva sredstva od 100.000 KM za sve one koji su ostali bez domova. Izvršiti raspodjelu preostalih sredstava (cca 200.000 KM) za stradale krovove od grada.

2. Nastaviti i završiti produbljivanje i čišćenje vodotoka II kategorije.

3. Pristupiti sanaciji do sada nesaniranih puteva i mostova (Rašljeva, Džakule, Gornja Miričina, Lukavica, Gornja Orahovica, Škahovica i dr.) i obezbijediti nesmetano odvijanje saobraćaja.

4. Sačiniti elaborat i zajedno sa nadležnim Kantonalnim ministarstvom i inspekcijom pristupiti utvrđivanju stanja riječnih korita, obala i zaštitnog pojasa.

5. Pripremiti elaborate, projekte i druge podatke o klizištima, te utvrditi prioritete sanacije. To podrazumijeva i uspostavljanje katastra klizišta.

6. Postojeće stanje na terenu pokazuje da bi u okviru službi morali imati i stručnjaka geologa koji bi pratio stanje klizišta na terenu, predlagao poduzimanje mjera i davao rješenja. Definitivno je potvrđeno da je naša općina trusno područje.

7. Hitno pristupiti sanaciji oštećenog reguliranog dijela korita rijeke Sokoluše i tražiti sredstva za nastavak regulacije do ušća rijeke Sokoluše u rijeku Spreču, čime bi se izbjegnula opasnost od poplava.

8. Građani snose dio odgovornosti za neke od posljedica prirodnih nepogoda i dio su rješenja. Zbog toga treba pokrenuti široku kampanju za drugačiji odnos prema vodotocima, propustima, putevima, odlaganju i bacanju smeća, generalno odnosu prema javnim dobrima.

9. Analizirati, aktuelizirati i ažurirati postojeće planove zaštite i spašavanja od prirodnih i drugih nesreća i učiniti ih operativnijim.

10. Očekuje se veća solidarnost svih u obezbjeđivanju sredstava za saniranje posljedica prirodnih nepogoda i poduzimanju mjera za preventivu.

11. Nastaviti vršiti pritisak na više organe vlasti i institucije da poduzmu mjere i radnje iz svoje nadležnosti:

-Federalno ministarstvo poljoprivrede, vodoprivrede i šumarstva, Federalni vodoprivredni inspektor i Agencija za vode sliva rijeke Save da preduzmu sve mjere iz svoje nadležnosti i da na vodotoku rijeke Spreče, koja spada u vodotoke I kategorije da izvrše sve planske radnje zaštite od vodotoka do izrade regulacije korita rijeke Spreče, kako bi zaštitili stanovništvo, stambene, poslovne i infrastrukturne objekte, kao i poljoprivredno zemljište u dolini rijeke Spreče od poplava.

-Kantonalno ministarstvo poljoprivrede, vodoprivrede i šumarstva i Kantonalni vodoprivredni inspektor da preduzmu sve mjere iz svoje nadležnosti na vodotocima rijeka, koje spadaju u vodotoke II kategorije, uključujući zaštitu vodotoka i izradu planova regulacije.

-JP Spreča da hitno pristupi detaljnoj analizi postojećeg rada i ispuštanja vode na brani HA Modraca kako bi se postigao veći efekat zaštite od poplava, kao i poslovima hitnog čišćenja akumulacionog taloga, kako bi se omogućio veći prihvrat vode.

-Elektroprenos BiH da poduzme aktivnosti na zaštiti od poplava trafo stanice koja se nalazi u plavnom području rijeke Spreče i koja snabdijeva električnom energijom općinu Gračanica i Doboj Istok.

-JP Ceste Federacije BiH da odmah nastave radove na rješavanju problema odvodnih kanala za odvođenje površinskih voda, čišćenju zapuštenih propusta i otklanjanju propusta koji su se pokazali nedovoljne propusne moći na potezu od Miričine do izlaza iz Stjepan Polja.

12. Da se uputi zahtjev prema Vladi Federacije BiH, odnosno Federalnom Ministarstvu poljoprivrede, vodoprivrede i šumarstva, da se iz odobrenih sredstava zajma Svjetske banke (679.000 KM) finansiraju slijedeći projekti:

-sanacija korita rijeke Sokoluše,

-sanacija 3 mosta u Rašljevi, mosta za Prijeko Brdo, mosta Mehmedovići-Džakule te pješačkog mosta u naselju Luke prema Sportskoj dvorani,

-sanacija klizišta Avdići u Škahovici i Ilidža u Sokolu,

-sanacija puta za Prnjavor u Mjesnoj zajednici Lukavica.

13. Da se hitno pristupi regulaciji korita svih bujičnih potoka na općini.

14. Ovlašćuje se Općinski načelnik da u hitnim slučajevima prirodnih nepogoda, bez obzira na nedostatak sredstava, angažuje mehanizaciju na sanaciji šteta uzrokovanih prirodnom nepogodom uz koordinaciju sa predsjednicima vijeća mjesnih zajednica.

## II

Zaključak stupa na snagu danom objavljivanja u „Službenom glasniku Općine Gračanica“.

PREDSJEDAVAJUĆI  
OPĆINSKOG VIJEĆA  
mr. sc. Edin Ibrišević, s.r.

BOSNA I HERCEGOVINA  
Federacija Bosne i Hercegovine  
Tuzlanski kanton  
OPĆINA GRAČANICA  
OPĆINSKO VIJEĆA

**Broj predmeta:** 01-05-03118-2014

**Broj akta:** 05EN-001

Gračanica, 18.9.2014.. godine

Na osnovu člana 16. i člana 108. Statuta Općine Gračanica ("Službeni glasnik Općine Gračanica", broj: 4/09) i člana 89. Poslovnika Općinskog vijeća Općine Gračanica ("Službeni glasnik Općine Gračanica", broj: 6/14), Općinsko vijeće Gračanica na sjednici održanoj dana 18. 09. 2014. godine, d o n o s i

## Z A K L J U Č A K

### I

Usvaja se Izvještaj o procijenjenoj šteti od prirodne nepogode koja je uzrokovala pojavu poplava, klizišta i leda na području općine Gračanica u periodu 17. 06. 2014. godine – 01. 09. 2014. godine, sa pregledom ukupnih šteta od maja do avgusta (sve tri prirodne nepogode), uz stav:

-da Komisija dopuni Izvještaj sa podacima o štetama koji nisu obuhvaćeni Izvještajem, a štete su se dogodile u periodu 17. 06. – 01. 09. 2014. godine.

### II

Zaključak stupa na snagu danom objavljivanja u „Službenom glasniku Općine Gračanica“.

PREDSJEDAVAJUĆI  
OPĆINSKOG VIJEĆA  
mr. sc. Edin Ibrišević, s.r.

BOSNA I HERCEGOVINA  
Federacija Bosne i Hercegovine  
Tuzlanski kanton  
OPĆINA GRAČANICA  
OPĆINSKO VIJEĆE

**Broj predmeta:** 01-44-03119-2014  
**Broj akta:** 05EN-001  
Gračanica, 18.9.2014.. godine

Na osnovu člana 31. Uredbe o jedinstvenoj metodologiji za procjenu šteta od prirodnih i drugih nesreća ("Sl.novine F BiH", broj : 75/04, 38/06, 52/09, 56/09 i 36/14), Mišljenja Općinskog načelnika o usvajanju zbirnog izvještaja o procjeni nastalih šteta od prirodne nepogode – poplava, klizišta i leda na području općine Gračanica u periodu 17.06.2014. do 01.09.2014. godine, sa pregledom ukupnih šteta od maja do avgusta (sve tri prirodne nepogode), broj: 02- 44- 03101/2014. i člana 16. Statuta Općine Gračanica ("Službeni glasnik Općine Gračanica", broj: 4/09), Općinsko vijeće Gračanica , na sjednici održanoj 18. 09. 2014. godine, d o n o s i

#### O D L U K U

o usvajanju zbirnog izvještaja o procjeni nastalih šteta od prirodne nepogode – poplava, klizišta i leda na području općine Gračanica u periodu 17.06.2014. do 01.09.2014. godine, sa pregledom ukupnih šteta od maja do avgusta (sve tri prirodne nepogode)

#### I

Usvaja se zbirni izvještaj o procjeni šteta prouzrokovanih prirodnom nepogodom od poplava, klizišta i leda na području općine Gračanica u periodu 17.06.2014.- 01.09.2014. godine, sa pregledom ukupnih šteta od maja do avgusta (sve tri prirodne nepogode).

#### II

Odluka stupa na snagu danom objavljivanja u "Službenom glasniku Općine Gračanica".

PREDSJEDAVAJUĆI  
OPĆINSKOG VIJEĆA  
mr.sc. Edin Ibrišević,s.r.

Bosna i Hercegovina  
Federacija Bosne i Hercegovine  
Tuzlanski kanton  
OPĆINA GRAČANICA  
OPĆINSKI NAČELNIK

Broj: 02 - 14 - 02949 - 2014  
Gračanica, 16. 08. 2014. godine

Na osnovu člana 36. Statuta Općine Gračanica („Službeni glasnik Općine Gračanica“, broj: 4/09), člana 13. Odluke o izvršavanju budžeta Općine Gračanica za 2014. godinu („Službeni glasnik Općine Gračanica“, broj: 16/13), člana 49. Zakona o budžetima Federacije BiH („Službene novine Federacije BiH“, broj: 102/13, 9/14, 13/14), Općinski načelnik d o n o s i

## ODLUKU

### Član 1.

Namjenska sredstva u iznosu od 117.000 KM uplaćena 15. 08. 2014. godine na poseban račun od strane Kantonalne uprave CZ prema Odluci o dodjeli jednokratne novčane pomoći općini Gračanica za hitne intervencije u toku djelovanja prirodne nesreće od poplava i klizišta u maju i avgustu mjesecu 2014. godine, broj:18/01-14-018552-3/14 od 14. 08. 2014. godine kao i namjenska sredstva u iznosu od 103.500 KM uplaćena 18. 08. 2014. godine na poseban račun od strane Kantonalne uprave CZ prema Odluci o dodjeli jednokratne novčane pomoći Općini Gračanica za hitnu sanaciju šteta od poplava i klizišta u maju i avgustu mjesecu 2014. godine, broj: 18/01-14-018560-3/14 od 14. 08. 2014. godine, uvrštavaju se u budžet Općine za 2014. godinu.

### Član 2.

Sredstva iz člana 1. ove Odluke uvećat će budžetsku stavku – Otklanjanje posljedica elementarnih nepogoda, ekonomski kod 613993, planirane u budžetu za 2014. godinu i sa iste će se realizovati za sanaciju posljedica prirodnih nepogoda.

### Član 3.

Odluka stupa na snagu danom donošenja i objavit će se u „Službenom glasniku Općine Gračanica“.

OPĆINSKI NAČELNIK  
Nusret Helić, s.r.

BOSNA I HERCEGOVINA  
Federacija Bosne i Hercegovine  
Tuzlanski kanton  
OPĆINA GRAČANICA  
OPĆINSKI NAČELNIK

Broj : 02-05-02765-2014  
Gračanica: 03.09.2014 godine

Na osnovu člana 29. Uredbe sa zakonskom snagom o ustanovama ("Službeni list RBiH", broj: 6/92) i člana 36. Statuta Općine Gračanica („ Službeni glasnik Općine Gračanica“, broj: 4/09) Općinski načelnik, d o n o s i

**R J E Š E N J E**  
o davanju saglasnosti na imenovanje  
direktora JZU „Gradska Apoteka“ Gračanica

Član 1.

Daje se saglasnost na Odluku Upravnog odbora o imenovanju mr.ph.Nadire Kulenović iz Gračanice, za direktora Javne zdravstvene ustanove „Gradska apoteka“ Gračanica, broj: 01-02-4-2/14 od 28. 08. 2014. godine.

Član 2.

Saglasnost se daje na mandatni period od četiri godine.

Član 3.

Rješenje stupa na snagu danom donošenja, a objavit će se u „Službenom glasniku Općine Gračanica“.

OPĆINSKI NAČELNIK  
Nusret Helić, s.r.

## S A D R Ž A J

### I – AKTI OPĆINSKOG VIJEĆA

1. Zaključak o Informaciji o prirodnoj nepogodi od bujica, poplava, klizišta i grada u avgustu 2014. godine i poduzetim mjerama.
2. Zaključak o Izvještaju o procijenjenoj šteti od prirodne nepogode od poplava, klizišta i leda u periodu 17. 06. 2014. – 01. 09. 2014. godine.
3. Odluka o zbirnom izvještaju o procijenjenoj šteti od prirodne nepogode od poplava, klizišta i leda u periodu 17. 06. 2014. – 01. 09. 2014. godine.

### II – AKTI OPĆINSKOG NAČELNIKA

1. Odluka o namjenskim sredstvima na posebnom računu uplaćenim od Kantonalne uprave CZ.
2. Rješenje o davanju saglasnosti na imenovanje direktora JZU “Gradska apoteka” Gračanica.



SLUŽBENI GLASNIK OPĆINE  
GRAČANICA

BROJ: 8

GODINA: 2014.

IZDAJE: OPĆINA GRAČANICA

UREĐUJE: Stručna služba Općinskog vijeća

TIRAŽ: 30 primjeraka

ADRESA: OPĆINA GRAČANICA  
Stručna služba Općinskog vijeća

TELEFON: 035 / 700-800  
Lokal: 816

FAX: 035 / 706-679